

Канон Торжеству Православия.
Творение господина Феофана, егоже краестрочие:
Днесь благочестия Богосвѣтлая прииде заря. Глас 4.
Песнь 1.

Ирмос: Моря чермную пучину, / невлажными стопами / древний пешешествовав Израиль, / крестообразными Моисеевыми руками, / Амаликову силу в пустыни победил есть.

Слава Тебе, Боже наш, слава Тебе

Плещуще с веселием днесь вернии возопийм: / коль чудна дела Твоя Христе, и велика сила, / наше единомыслие и согласие соделавый!

День радостный богомудренни / приидите совершим, / ныне небо и земля веселится, и ангелов чини, / и человеков собрания изрядно празднующе.

Превелие благодеяние видяще, руками восплещим, / разстоящиеся уды Христовы, совокуплены во единство, / и Бога похвалим мир подавшего.

Дашася Церкви днесь победительная, / Богодвижным мановением и советом, / Михайла же и Феодоры, / благочестно веру содержащих царей наших.

Богородичен: Оружия злочестивых исчезоша яве ересей, / храм бо Твой Пречистая Чистая, / во образех украшаемый всеблаголепно зряще, / ныне всесвященно радуемся.

Песнь 3.

Ирмос: Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Не ктому нечестивых еретиков ныне бровь вземлетя: / Божия бо сила православие удержала есть.

Облацы пророчести, / животворящую с небес днесь росу нам да кропят, / на востание веры.

Благогласно тайныя апостолов Христовых трубы, / паче естества да вопиют, / честных образцов исправление.

Воспойм Христа, показавшего нам / царицу благочестивую, христоролюбивую, / с Боговенчанною отраслю.

Богородичен: Селение Твое священное / достигше вернии, Пречистая, / световидною благодатию ныне озаритися, молимся.

Седален, глас 1.

Подобен: Лик ангельский:

Божественный Твой зрак, во образе образующе, Христе, / ясно вопиём Рождество, / чудеса неизглаголанная, вольное распятие. / Отонудуже бесове отгонятся страхом, / и злославнии в посуплении рыдают, / яко сих сопричастницы.

Слава: Зраками пророков, апостолов видами, / мучеников священных, и святых всех иконами, / и изображенными священно красуется, / Жениха же мысленного и Невесты украшается умными красованьми, / матери вышний Сион.

И ныне, Богородичен: Любвию, Чистая, Твою святую икону почитающим, / и Божию Тя истинную Матерь согласно возвещающим, / и верно поклоняющимся

Ти, / хранительница явилася еси, и державное предстательство, / отвращающи
всякое лютое далече сих, / яко вся могущая.

Песнь 4.

Ирмос: Вознесена Тя видевши Церковь на Кресте, / солнце праведное, / ста в
чине своем, / достойно зываючи: / слава силе Твоей, Господи.

Найтием Божественным Утешителя, Твой храм освяти, / и пришествием Сего
еретическую прелесть отжени, / Слове Божий многомилостиве.

Нужнейшаго избавивый злочестия Твоя люди, / покажи благочестия
ревностью разжжены, / и верою зывающия: / слава силе Твоей, Господи.

Священнообразными изображеньми, / образов Христовых зряще и Богородицы,
/ сияющая Божественная селения, / священнолепно радуемся.

Царица по обоему украшена, / истиннаго возжелевши Христова Царства, / Сего
написа образ пречистый, / и святых изображения.

Богородичен: Воплощенна родивши Божественнаго Слова, / Боголепное
освящение Благодатная, Сего показала еси, / темже Твой храм световидный
обновляем.

Песнь 5.

Ирмос: Ты Господи мой, Свет в мир пришел еси. / Свет Святыи, обращаи из
мрачна неведения, / верою воспевающих Тя.

Положи, Господи, Твоей Церкви утверждение, / непреклонней пребыти в век
века / от смятений ересей.

Во всю землю светлость возсия свыше, / даннаго верным веселия, / и
Божественнаго заступления.

Едине Благой, и источниче благодати, / Ты возвыси православных рог, / чтущих
образ Твой.

Свет незаходимый нам благочестия возсия, / велением Богодухновенным
верных пастырей, / и манием Богомудрым.

Богородичен: Обнови нам древнее благолепие, / Пречистая Богомати, / и дом
Твой сей освяти / Твоею благодатию.

Песнь 6.

Ирмос: Пожру Ти со гласом хваления, Господи, / Церковь вопиет Ти, / от
бесовския крове очищися, / ради милости от ребр Твоих / истекшею кровию.

Пишется и почитается верно / поклоняемый образ Владыки, / и приемлет паки
Церковь дерзновение, / благочестно Спаса прославляючи.

Обнажается сетования, и тьмы ересей Христова Церковь, / и носит ризу
веселия, / и Божественною и светоносною покрывается благодатию.

Благославия древняго осияния получи православных собор, / Феодоры
мановением царицы, / и ея сына благочестиваго Михайла самодержца.

Богородичен: Древле свидения повелевый быти скинии, / яко в скинии
словесней, в Тебе живет Един Препрославленный, / прославляяй храм Твой, Дево,
чудесы.

Кондак, глас 2. Самогласен:

Неопісанное Слово Отчее, / из Тебѣ, Богородице, описася воплощаемъ, / и осквернившийся образ в древнее вообразив, / Божественною добротою смеси, / но исповѣдающе спасѣние, / делом и словом, сие воображаем.

Икос: Сие смотрѣнія таинство, / древле пророцы Боговѣдно вдохновѣни бѣвше, / нас ради в концѣ веков достигших предвозвѣстїша, / получивше сего сиянїя. / Разум убо Божественный от него вземше, / Единого Господа Бога знаем, / в трех Ипостасех поклоняемаго, / и Тому единому служаще, / едину веру, и едино крещѣние имуще, / во Христа облекомся, / но исповѣдающе спасѣние, делом и словом, / сие воображаем.

Песнь 7.

Ирмос: В пещи Авраамстїи отроцы персїдстей, / любовию благочестїя паче, / нежели пламенем опаляеми зываху: / благословѣн еси в храме славы Твоея, Господи.

Да сликовствуѣт церковней свѣтлости / любовию Божественною ангельское воинство, / Богомудренно воспевающее: / благословѣн еси в храме славы Твоея, Господи.

Церковь перворожденных, и торжество радуется, / зряще ныне божественныя люди, единомудренно воспевающїя: / благословѣн еси в храме славы Твоея, Господи.

Избавлени прѣжде мрачныя ереси, / манием Феодоры достолѣпныя царїцы, воспеваем: / благословѣн еси в храме славы Твоея, Господи.

Богородичен: Паче вѣшних ликостоянїй, вознеслася еси Всечїстая, / едина бѣвши Мати Вседѣтеля. / Радующеся убо зываем: / благословѣнна Ты еси в женѣх, всенепорочная Владычице.

Песнь 8.

Ирмос: Руце распростѣр Даниїл, / львов зїянїя в ровѣ затчѣ: / огненную же силу угасїша, / добродѣтелию препоясавшеся, / благочестїя рачїтели отроцы, зывающе: / благословїте вся дела Господня Господа.

Законы Церкви отеческїя сохраняюще, образы пишем, / и лобзѣим усты, и сердцем, и хотѣнием / Христовы, и Его святых, зовуще: / благословїте вся дела Господня Господа.

На первообразное яве образа, / почѣсть и поклонѣние возносяще, / чтим, Богоглавливых учѣнием послѣдующе, / и Христу верою зовѣм: / благословїте вся дела Господня Господа.

Ум озаривши просвещѣнием Божественнаго Духа, / честная царїца, плоды Богомудренныя имуще, / благолѣпие возлюбїи Церкви Христовы, и красоту, / благословящи купно с верными Иисуса Богочеловека.

Богородичен: Лучами свѣта умнаго, освещаемый Божественный дом Твой, / осеняет ныне всех облаком Духа, / и освящѣет верныя согласно поущїя: / благословїте вся дела Господня Господа.

Песнь 9.

Ирмос: *Камень нерукосе́чный / от несекóмыя горы Тебé, Дéво, / краеуго́льный
отсечéся, / Христóс, совокупíвый разстоя́щая естество́. / Тем веселя́щаяся Тя,
Богоро́дице, велича́ем.*

Священнописа́нными образóв укра́шеную, / зря́ще па́ки честну́ю Це́рковь, / со
благоговéнием вси притецéм и Бо́гу возопи́м: / Тебé велича́ем, Трисвяты́й.

Честь и сла́ву стяжавши Це́рковь, / Крест Твой и честны́я ико́ны, и святы́х
изображе́ния, / с весéлием, Влады́ко, и ра́достью велича́ет Тя.

Освети́ Божéственною Твое́ю сла́вою лю́ди на́ши Ще́дрый, / и ополчéнными
а́нгельскими, и всеору́жествы сия́ оградí, / язы́ков свирéпство покаря́я им,
Влады́ко.

Богородичен: Взятся прамáтере Ёвы осуждéние, Богоро́дице, / я́ко Ты всех
Влады́ку несказáнно, Чíстая, родила́ еси́. / Егóже и ны́не подóбие на ико́нах
целу́ем.

Ексапостиларий утренний воскресный, единожды.

И настоящий. Подобен: Со ученики́ взы́дем:

Взыгра́йте, восплещíте, с весéлием воспóйте: / коль чу́дная и страна́я Твоя́,
Христé, вопию́ще, дела́! / И кто возмо́жет изрещи́, Спа́се, могу́тства Тебé, / на́ше
единомы́слие и согла́сие / во еди́ну соединíвшего це́рковь?

Богородичен: Ору́жия ны́не оскудéша враждéбныя ёреси, / и па́мять ея́ исчезé с
шумом: / храм бо Твой, Всечíстая, всеблаголéпно зря́ще, / укра́шенный
благодáтьми честны́х ико́н, / ра́дости исполня́емся вси.